

YUKSALISH XALQ HARAKATI

Qodirova Mamlakat, Mo‘minovna
Qarshi davlat universiteti O‘zbekiston tarixi kafedrası
tarix fanlari nomzodi, dotsent

Annotatsiya:

Ushbu maqolada "Yuksalish" umummilliy harakatining qachon tashkil topgani, bu harakatdan ko'zlangan maqsad, vazifalari haqida ma'lumotlar, izohlar berib o'tiladi. Barcha davlat organlari bu tashkilot bilan hamkorlikda ishlaydi. Bu tashkilot fuqarolik jamiyatini barqarorlashtirishda o'ziga xos o'ringa ega.

Kalit so'zlar: tashabbuskorlik, xalq birdamligi, biznes, ochiq muloqot, fuqaro, nodavlat notijorat tashkilot, davlat dasturi, umummilliy harakat

Bugun Yangi O'zbekiston har qanday jabhada keng ko'lamli ishlar olib bormoqda. Ijtimoiy-iqtisodiy, madaniy-ma'rifiy, siyosiy, ilmiy, san'at, tadbirkorlik, xullas, qaysi sohani olmag, barchasida o'ziga xos rivojlanish, yuksalish kuzatilmoqda. Tashabbuskorlik, hamjihatlik, mehnat, o'zaro bir-birini qo'llab-quvvatlash, qadrlash, insoniylik kabi fazilatlar ulug'langan xalq bugun o'z taraqqiyotining cho'qqisi tomon intilmoqda. Bunday yuksak g'oyalarni davlatimizda tashkil etiladigan jamoat tashkilotlari, xalq harakatlari, xayriya jamg'armalari, tadbirlarda o'z aksini topmoqda. Bunda O'zbekiston Respublikasi Prezidentining mehnatlari, xizmatlari, e'tiborlari alohida o'rinda turadi. Shunday tashkilotlardan biri sifatida Prezidentimizning 2019-yil 17-yanvardagi "2017-2021 -yillarda O'zbekiston Respublikasini rivojlantirishning beshta ustuvor yo'nalishi bo'yicha Harakatlar strategiyasini "Faol investitsiyalar va ijtimoiy rivojlanish yili" da amalga oshirishga oid Davlat dasturi to'g'risida" gi farmoniga muvofiq O'zbekistonda "Yuksalish" umummilliy harakati tuzildi. Bu harakat nodavlat notijorat tashkilot sifatida e'tirof etildi. Bu umummilliy harakat hisoblanib, xalqni hamjihatlikka chorlash, vatan kelajagiga befarq bo'lmagan barcha fuqarolarni qo'llab-quvvatlash, xorijda istiqomat qilayotgan o'zbeklar uchun keng aloqalar o'rnatish, biznes va tadbirkorlik uchun keng ko'lamli ishlarni amalga oshirish kabi vazifalarni o'z oldiga qo'ygan.

Buni Muhtaram yurtboshimiz quyidagicha izohlaydi: "Eng asosiy maqsadimiz- islohotlardan barchani birdek xabardor qilish. Chekkaroq hududlardagi aholiga yetkazish, qiziqish uyg'otish va harakatga keltirish. Shu bilan birga, ularning taklifini, muammolarini eshitadigan va muhokama qiladigan maydonni yaratib berish va shu orqali davlatga ishonchini mustahkamlash". Bu fikrlar tub-tubida inson qadri, uning qilgan mehnat-u xizmatlari bekor ketmasligi g'oyasi yotadi.

“Yuksalish “ umummilliy tashkiloti xalq va biznes hamjamiyati bilan ochiq tarzda muloqot qilishni ham o`z oldiga qo`ygan maqsadlaridan biri sifatida e`tirof etadi. Fuqarolarning o`z yashash tarzlarining rivoji uchun qilayotgan,tuzayotgan biznes rejalarini qo`llab-quvvatlash,ular bilan o`zaro suhbatlar tashkil etib ,ularni tinglash, moddiy yordam berish , shu orqali vatan kelajagi ,istiqbolining yuksalishini ta`minlash nazarda tutiladi.Bu tashkilot umummilliy tashkilotligi sababli o`zbek aholisining har bir qatlami uchun jon kuydirib xizmat qilib kelmoqda.Fuqarolik jamiyati , davlat institutlari bilan hamkorlikda Davlat dasturlarida rejalashtirilayotgan barcha islohotlarda bu tashkilot o`z jonbozligini ko`rsatmoqda.O`z tahlillari bilan takliflarini kiritishmoqda, yangidan yangi tashabbuslar yaratishmoqda, xorijda yashab kelayotgan vatandoshlar bilan o`zaro aloqa o`rnatib ,ular bilan bog`lanib kelishmoqda.”Yuksalish “ umummilliy tashkiloti davlatning deyari barcha boshqa tashkilotlari, davlat vazirliklari bilan hamkorlikda ishlaydi,bu tashkilotning markazi Toshkent shahrida joylashgan bo`lib, bu hamkorlik esa barcha viloyat-u tumanlarda tashkil etilgan.Xalq bilan birgalikda ishlayotganligining yorqin isbotidir. Bunga misol qilib ,Bandlik va mehnat munosabatlari vazirligi va “Yuksalish “ umummilliy tashkiloti bir qator yo`nalishlarda o`zaro yaqin hamkorligini yo`lga qo`ydi.Hamkorlikdan ko`zlangan maqsad ishsiz va band bo`lmagan aholini ,ayniqsa,ehtiyojmand oilalarni , yoshlarni kasb-hunarga o`rgatish , ularni o`qitish, mehnat shart-sharoitlarini yaratib berish, qishloq joylarida xotin-qizlarni ish bilan ta`minlash , yosh qizlarni oilaviy va xususiy tadbirkorlikka jalb etish kabi qo`shma loyihalarni amalga oshirmoqda.Bu islohotlar bilan xalq dardi eshitilmoqda,xalq qo`llab-quvvatlanmoqda.

“Yuksalish “ xalq harakati Davlat dasturi amalga oshirilishining borishini tizimli monitoring qilish , uni sifatli va o`z vaqtida bajarish uchun qo`shimcha chora va tadbirlar ko`rish bo`yicha erkin tavsiyalar berish huquqiga ega.Barcha davlat organlari bu tashkilotning so`rovlarini ,talab va takliflarini eshitishi ,bajarishi Davlat tomonidan belgilab qo`yilgan.”Yuksalish “ umummilliy harakati nodavlat notijorat tashkilot sifatida uning hududiy bo`linmalari faoliyatini tashkil etish chora –tadbirlari to`g`risida hukumat qarori ham qabul qilindi. Bu qarorga ko`ra ,davlat boshqaruv organlari ,hokimliklar o`z faoliyatini “Yuksalish” harakatining mustaqilligi va uning faoliyatiga aralashmaslik tamoyillariga qat`iy rioya qilgan holda o`zaro hamkorlikda amalga oshiradi.Bu tashkilot bir necha yillardan beri o`z faoliyati davomida bir qancha ko`zga ko`rinarli ishlarni amalga oshirib kelmoqda. Xususan, 2019-yildan buyon O`zbekistonning 40 yoshgacha bo`lgan istiqbolli yosh kadrlar reytingini e`lon qilib kelmoqda.”Yuksalish “ umummilliy harakati ijtimoiy va iqtisodiy tashabbuslar instituti bilan hamkorlikda davlat idoralaridagi Top-40 istiqbolli rahbarlar ro`yxati shakllantirildi, unga 26 yoshdan 40 yoshgacha bo`lgan yetuk saviyali kadrlar jalb qilindi.Bundan tashqari “Yuksalish “ umummilliy harakati davlat tuzilmalari, muassasalari hamda yirik jamoat tashkilotlarida faoliyat yuritayotgan ayollarning Top-35 talik ro`yxati tuzildi.

“Yuksalish “ harakati raisi maqomi, tibbiy va transport ta`minoti shart-sharoitlariga ko`ra vazirga tenglashtiriladi. Xulosa qilib aytganda, jamiyatimizda tashkil etiladigan har bir

tashkilot O`zbekiston kelajagi ,yurt ravnaqi ,gullab-yashnashi uchun xizmat qilmoqda. Barqarorlik,tashabbuskorlik,birdamlik ,tinchlik va taraqqiyot bunday tashkilotlarning bosh shiori bo`lib qoladi.

Foydalanilgan adabiyotlar.

- 1.O`zbekiston Respublikasi Vazirlar Mahkamasi .13.02.2019-yil. 124-sonli qarori: "Yuksalish " umummilliy harakati ...to`g`risidagi.
- 2.Muminovna, Kodirova Mamlakat. "Khudayar Khan's rule of kokand Khanate." Web of Scientist: International Scientific Research Journal 3.02 (2022): 182-185.
- 3.Mamlakat, Qodirova, and Mannonov Yorqin. "BOZOR SAMADOV-XALQ QAHRAMONI." BARQARORLIK VA YETAKCHI TADQIQOTLAR ONLAYN ILMIY JURNALI (2022): 696-698.
- 4.Safarov, Akmal, and Mamlakat Qodirova. "PAXTA YAKKAHOKIMLIGI DAVRIDA XOTIN-QIZLARNING QISHLOQ XO`JALIGIDAGI O`RNI (QASHQADARYO MISOLIDA)." E Conference Zone. 2022.
- 5.Muminovna, Kodirova Mamlakat. "Issues of the Ethnogenesis of the Uzbek People in Ethnographic Studies of Uzbekistan During the Years of Independence." Eurasian Journal of Humanities and Social Sciences 7 (2022): 116-118.
- 6.Muminovna, Kodirova Mamlakat. "Development of community livestock during the years of independence on the example of kashkadare and surkhandare." Academicia Globe: Inderscience Research 3.04 (2022): 455-457
- 7.Mannonov, Yorqin, and Mamlakat Qodirova. "LAG'MON QISHLOG'I TARIXI." Scientific progress 3.3 (2022): 876-880.
- 8.Davronbek, Normurodov, and Qodirova Mamlakat. "Abu nasr inb Muhammad Farobiy." Ta'lim fidoyilari 5.9 (2022): 496-499.
- 9.Muminovna, Kodirova Country. "HISTORY OF CREATION AND DEVELOPMENT OF PUBLIC ORGANIZATIONS IN UZBEKISTAN." Web of Scientist: International Scientific Research Journal 3.12 (2022): 967-969.
- 10.Muminovna, Kodirova Mamlakat. "Why mahatma Gandhi changed the world forever." Academicia Globe: Inderscience Research 3.06 (2022): 361-367.